

Fwenliuhhouz Yauzcuz

□ Godoq comz hoiz



▲ Eu hwnj densi bae.

◀ Youq gyang doengh eu fwenliuhhouz.



▲ Gyoengq sau Yauzcuz angq eu fwenliuhhouz.



▲ Eu fwenliuhhouz angq diuqfoux.



▲ Eu fwenliuhhouz soengq gvanbaz moq.

Fwenliuhhouz Yauzcuz youq Fuconh Yauzcuz Swciyen ndawde ranghdieg baihaek couhdwg Cauzdungh Cin、Mwzlingj Cin、Gwzboh Cin daengj cienzlah lai, aeu vahdoj Vahgun couhdwg “Vahcizduh” “Vahbazduh” eu; daihbouhfaenh dwg fwenyoux. Moix hot fwen coenz doeksat gingciengz miz sing “liuhhouzleh”, neix vunzbiengz couh heuhguh “fwenliuhhouz”.

Fwenliuhhouz Yauzcuz ndawde neiyungz lai dangqmaz, youq giz mbouj doxdoengz couh eu fwen mbouj doxdoengz, neix couh lumj gak souj yinhyoz youh doxrangh youh

doxlienx. Doenghgij fwen neix miz fwenguhhong、fwenfungsou、fwen-gingqlaeu、fwen dauhleix couxbawx haqlwg、fwen Buenzvuengz daengj. Youq dangdieg, baez daengz ngoenz-ciet roxnaeuz doengh ngoenz couxbawx haqlwg guhlaeuj cingjhek、hengz dauhleix doxgyau daengj seiz vunzlai doxcomz guh hozdung, saisai mbwkmbwk cungj maij eu fwenliuhhouz, daegbied dwg bouxcoz guhyoux ra youx, gyoengqde maij guh fwenliuhhouz doxgyau. Baez daengz doengh ngoenz angq couxbawx haq-

lwg, cungj aeu fwenliuhhouz daeuj lwnh gij cingz nemgyawj caencik caeuj cingz gyaemaj saedceij. Doenghgij fwen neix, hawj vunzlai sim' angq ndang soeng, youh haenh vunz hengz ndei, son' gyauq dauhleix cojcienz Yauzcuz.

Cungj fwen neix ne, yienghsing eu miz cungj sing dog roxnaeuz song cungj sing, vanzlij caemh heij doengz sat. Vah fwen aeu caet cih seiq coenz、haj cih seiq coenz gyoebbaenz lai, hix miz caet cih roek coenz、caet cih bet coenz, danhseih cungj deng ciuq vah dangdieg haeujyinh. Fwen singdog ndawde vah fwen ne youz canghfwen dangciengz bien baenz lai, neiyungz lai cungj lai yiengh, miz daegsaek Yauzcuz dangdieg lailai bae.

Bi 2010, Fwenliuhhouz Yauzcuz ginggvaq Gvangsih Bouxcuengh Swcigih Yinzminz Cwngfuj doengzeiq, ndaej lied haeuj daihsam buek swcigih gaep feihvuzciz vwnzva yizcanj mingzloeg.



▲ Vunz Yauzcuz youq seiz yietnaiq eu fwenliuhhouz.

▲ Eu fwenliuhhouz haenh duetgungz.



▲ Eu fwenliuhhouz couxhek.



▲ Bouxswncienz haeuj hagdangz son' gyauq fwenliuhhouz.